

樂善堂全集

子孫永保
藏書記
墨山家

昭和16
231
7



和
231
卷

樂善堂全集定本卷之十三

賦

文戰賦

甚矣人之好爭也軒尤鼓怒於凶器羿沒鬪
技於霜鋒賁育逞力於舉重般婁恃巧於雕
蟲良增騫智於劉項儀秦馳辯於橫從是蓋
所居者高則惡人之我並所操者異則嫉人
之我同未有解構釋紛齊天地於一指和光
同塵歸大化之元宗者也吾意文人學士知

樂善堂全集定本

卷十三 賦

一

海山閣

命樂天謙卑自牧慎重為先其游心於淡也
若太羹之味其麗澤相滋也若共濟之船宜
其煦煦為儒魚魚為賢不恧我之或後不憎
人之或前而孰知所謂文戰者更有甚於前
言當其屬詞鋒排筆陣萬夫之雄莫擬六籍
之奧並進徹札之鏃必期乎中堅露穎之囊
何妨於游刃鷲視而張弛咸宜虎變而雷霆
用震於是緗帙繽紛盡作鼓鼙之響絳帷掩
映俄興旌旆之思呼十二之龍賓發攄竒策
揮五千之文字奮迅偏師臨局早分其勝負
當場疊用其正竒弟子降心而歛手先生談
笑而解圍是蓋厲兵於學海藏甲於文山請
纓同弱冠之子投筆似定遠之班硯石如砥
兮紀功莫盡霜毫飛白兮露布爰頒齊物子
見而笑之曰是蓋以文為戰者夫文以載道
而又何戰乎請與子解干戈之擾而歸洪荒
之都

望嶧山賦

御製樂善堂全集定本

函下

集賢堂全錄卷之五 卷一三
居義府之邃深兮藉藝苑以遨游慙脩綆之
汲古今羌魄淵其如流邈高山而景仰兮余
獨媿夫前修矢中志以日征兮庶自畫之免
羞聞嶧陽之聳峙兮厥維在乎東鄒余仲氏
其再經兮為余道其緣由子車氏之故墟兮
溯芳軌之尚留欲躋攀以顧瞻兮阻川原之
亘悠爰徘徊而永念兮運綺思而裁句於麗
則乎何有兮名望嶧山之賦昔神禹之任土
兮取茲陽之孤桐魯僖公之保有兮乃遂荒

於大東固坤輿所鍾靈兮氣旁薄而莫窮配
浩然之至正兮坱圜戰國之頽風卑衍詭與儀
辯兮非大丈夫之謂也排楊墨之淫辭兮曰
維正道之足貴也丁鉅艱而獨往兮邁仔肩
於千載也其功不在禹下兮斯言確其可味
也惟樹德之既堅兮吾獨羨夫孕育之所由
來奚必誇夫川原之綿衍兮侈形勝之崔嵬
重曰望嶧山兮魯之邦隔千里兮天蒼茫竊
仰止兮路修長慎自邇兮勤就將指余駕兮

息彼鄉徇尼山兮猶可望

迎長日之至賦

惟大祀以事天爰考候而迎日時履端於方
始迓初陽而誠壹既展奉常之儀乃協用牲
之吉稽古之典黃鐘正應乎宮縣行夏之時
葭灰亦飛乎緹室蓋所以欽承上帝宜調象
緯之平布政萬方必始璣衡之一仰斗柄其
始旋望扶桑而將出斯日也符上春以備儀
詣泰壇而將祀迎祥迓福兮必惟其時導氣

延和兮爰修其始遲遲勝律與圭影而並長
烈烈凝寒避爐烟而自徙豈惟靈鼓之聲不
止陶匏之禮維父天而毋地實覃誠而在此
是知經紀不忒乃貞明之有常疾徐中度胡
躔緯之失次蓋日者陽之精君者德之成表
著明於君象乃致敬而用迎萬國共球望金
門而和會千方輻輳仰旭日之長明羣僚景
從而有秩千古輝煌而莫京斯固一人法天
而有慶九有戴帝以咸寧者也

景陵瑞芝賦

蓋聞王者孝慈則芝茂又曰君有至德則芝生仁恩覃敷於率土草木爰叶夫嘉禎考夫瑞應之圖稽乎符命之經未有治功允協乎邛理而祥應不驗於山靈者也欽惟

聖皇御世敬

天法

祖煦嫗之澤比陽春汪濊之恩如膏雨亮功則克諧三事歌叙則允治六府凡溥大化於

雍熙悉循

聖祖之遺矩

上帝是鑒靈瑞斯頻河清海晏之紀麟遊鳳集之文與夫嘉禾甘露之迭見蓋不可以指數陳是皆

一人格

天之元功而厚澤永遠夫生民者也乃若瑤光發辰象之精金色吐陰陽之秀衍

鼎湖兮億載休徵鞏

樂善堂文集卷十三
福地兮萬年鴻祐續紛芝彩表
聖祖盛德之常新煥爛芝房驗吾
皇孝思之孔厚金枝瓊葉浥瑞露於
寶城十色九光燦祥霞於仙圃鏤珊瑚而作
榦葩蓋高擎肖龍鳳以呈形卿雲低覆氤氳
並日月以爭華蔚靄與松楸而並茂豈與夫
生於石室產自珠宮王母之臺虛紀宓妃之
館成空秀甘泉之庭而傳誇晉帝產延英之
座而稱美唐宗也哉

聖聖同揆德惟其至既丕顯而丕承信格
天而格地嘉祉効乎百靈景運凝乎二氣謹
拜首而颺言賦太平之至瑞

五絲賦

律中蕤賓時惟臯月賞天中之令晨值薰風
其南發撫茲佳景浴蘭爰遍乎寰區文此太
平競渡亦盛乎楚越乃有金閨雅製綉幕芳
思不止線添對日長之何遣聊同錦織象雲
爛以文披憑茲十指運彼五絲觀寶縷之續

續粲文采之離離延壽算於萬禩傳勝事於
一時爾其香奩繞罷彤管方陳麗學天孫之
樣巧開地臘之辰鴨綠鶯黃選色而艷分八
彩淺紅深紫成章而手拈雙紋皓齒含霜意
運神工而不語青蛾歛翠心追天巧而宜嘖
鶯其羽鶯其領難比方其爛熳絲五紵絲五
絨更觸緒而繽紛則見夫續比貝連艷羞花
朶色如蝶螭迴射乎虹橋舞比羽霓直通於
馭娑瑤筐用盛錦袂是裹方携蒲酌願萬年

以祝君亦也葵忱藉一綫而達我重曰當年
日兮結五絲綜萬緒兮抽巧思綿寶命兮壽
無期紀歲華兮長如斯

稼穡惟寶賦

天之鍾異物也石韞玉而山輝蚌含珠而川
媚金在沙而待披綃織鮫而成瑞火齊共木
難而交朗都梁與五木而爭貴繡毯紅氍赤
羽文翠固海舶之誇珍亦大賈之網利者也
然而饑不可食寒豈能衣惟土物之是愛乃

樂善堂全集卷十三
民命之所依希代之姿莫匹連城之價在茲
此聖世之至寶羗歌咏於周詩爾其既耕既
耘既方既阜沃時雨而霑濡熟西風而堅好
珠顆滿車兮無慙照乘之光玉粒盈倉兮絕
勝瓊瑤之報故珍重上厪乎一人而滋培全
仰乎大造為植物之獨貴豈異賄之足稱勤
耒耜而莫怠謹播植而乃成爰藉亞旅之衆
如施追琢之精力作三時兮類藍田之種玉
有秋不日兮誇赤水之求珍異千倉與萬箱

兮寧必不貪為寶慶崇墉與比櫛兮懸知有
道則生信饑寒之可禦陋瓊瑰之為輕不假
居竒以市何須韞匱而箴餘滯穗兮伊寡婦
之利匪異物兮實餽貧之糧故曰寶金玉者
心勞而鮮益寶稼穡者心逸而獲臧其為利
也最溥其為物也孔良尚計九年之蓄以期
兆姓之康

南風之薰賦

祝融司方朱明應節蒸溽暑兮鬱陶遲火輪

兮炎熱羨萬物之敷榮坐池臺之清絕倚珍
簞兮如霜皎冰盤兮沃雪乃其堦塵初動羅
幕微飄協巽方以律轉應鶉火而候調出谷
泠泠輕纒偃草入林習習響不鳴條蒲劍刺
波兮岸畔斜縈乎翠帶荷珠承蓋兮池心低
曳夫紅綃解煩襟於九夏扇清景於崇朝客
有廣廈披衣北窓延賞喜嘘拂之及時欣凱
樂之有象鬱佳氣兮氤氳埽祥雲兮淡蕩爰
符五日之期可卜三秋之穰吹來閭闔何須

辨其雌雄布自郊原欣可覩夫長養時也虞
絃鼓堯厨吹有道聖人之世無為郅治之時
著物如薰疑度籬邊香芷乘陽欲動微飄座
上輕絺中八音之節族叶三光之舒遲豈比
夫蘭臺徒侈其詞華沛里空思夫勇士舞掌
中而懼飛賞亭畔而稱羨彼宮殿但泛其蕙
蘭伊閭闔豈被其福履惟睿作聖惟風時薰
宣和解鬱澤廣恩均既揚颺於八表亦應候
於五辰冬暖吹葭管之律春和拂梅柳之津

會南風之入夏尤遍被乎無垠斯所以醞釀
太和之氣而王者法之以施仁者乎

書同文賦

偉哉書契之盛也麗光天而有耀敷海宇而
無垠掌之保氏而肇夫小學觀乎人文而成
彼天勲代結繩而為治因載道以稱神洋溢
之風普扇光華之治聿新書紀遵道遵路記
稱同軌同倫固草野咸欽其法式抑巖廊用
布其絲綸繫夫庖犧造書倉頡創字蝌蚪成

形鳥魚誌瑞原所始作不一其類迨後八骨
漸分六書遂製或篆隸而殊科或爻戈之異
制或偃露湧泉而稱工或離星垂珠以布勢
或揭象魏之條或質歲成之計或遊元圃之
麟或折蟾宮之桂莫不依乎典則遵我王章
錯綜以盡其術採撫以備其詳藻耀乎典冊
之府輝煌乎翰墨之場指事象形之中則協
聲轉注之允臧潤太平而有色宣文治於重
光於是靖萬慮之綜拏布一人之大化金殿

樂善堂全集卷之十一
春永而閣帖臨餘玉筆龍飛而黃麻草罷欲
加點而無有詎一畫之可假昭萬里之同風
自一人而逮下明廷敷奏曾無馬字之訛在
野遵從何有魚書之詐則知聖人有作書文
大同自南自北自西自東光如日月之燭遐
屈舟車所通布章程於畫一闡治理於鴻濛
豈操觚而濡墨者徒工技雕蟲也哉

秋河賦

暑風退秋月明麗銀浦於碧落映金漢於丹

京耿耿之波瀾皎潔皚皚之氣象澄泓露下
而天津可渡風飄而微浪不生經漸臺而透
迤亘玉繩而清淺從碧海以分來豈黃河之
上轉入三秋以杳茫直萬里而曼衍深莫測
兮懸東井而昭回遠莫知兮歷南箕以舒展
客有閒庭容與梧砌逍遙感砧聲於野墅驚
蛩響乎清宵眇明光而寄興抒曠懷於沈寥
夫其龍駕將臨星橋初起弄機之女停梭河
鼓之旅近止霞妝斜整映牛渚以非遙閣道

潛通望鵲梁而甚邇樂莫樂兮舊相知悲莫
悲兮久別離嗟陽鳥之欲上又天雞之早啼
何絳河之傾而不竭兮抑天限固若是其難
移徒見夫皓如白練之披皎奪景星之燦當
霽夕而逾明吐霄光而猶爛興無邊之秋思
漫題句於紈扇

荔枝賦

氣稟純陽根植炎方燦瓊華之爍爍垂寶實
之煌煌蔡譜爰稽紀方紅與江綠白圖聿考
誇雪肉與冰瓢領味者歎為仙液觀色者驚
若絳囊張公之梨難並美安期之棗莫擅長
江城之橘謬比擬瑤池之桃洵荒唐信乎天
下之奇產而果中之稱王者也爾其瘴雨初
收炎風微扇條密抽旗花開綴霰殆有積而
後彰豈無實而自炫翔彩鳳以輝煌合彤雲
而約爛紅丸萬斛紛玉樹以流光神丹九成
射瑤圃而掣電燕支顆顆欲盈閩客之筐火
齊纍纍乍佐番舟之宴豈云憇之者如雲葉

之垂寶之者無芥斤之患而已哉時惟遐邇
同風盛德昭融雖限山川之遠竟如堂奧之
通彼宣風之大吏乃方物之是共樹植皇州
豈分幅幘之隔實垂上苑應知造化之功賜
出金門羣捧玻璃之盞恩分青瑣携歸筠籜
之籠此蓋叨仙味於閭苑而沐聖澤於無窮
也夫其朱殼纔分脂膚照眼朗若玉壺之水
潤似清涼之散羗熱中之始消豈病渴之用
遣佐玉杯兮輕含白露之團列華筵兮共賞
冰蠶之繭唇未沾而已香手含潤而莫盥亦
何必羨嶺南之三百堆驪珠而滿盃哉

多稼如雲賦

出郊原而縱目愛金秋之氣清草霏霏而露
濕天寥寥而風生寒蟬收響陰蟲載鳴繡錯
溝塍乍青連而散漫綺分隴畝正黃茂以縱
橫酬勤劬於東作告豐稔乎西成遠而視之
如膚寸之出石也近而睨之似朝濟之凝碧
也當夫公田既雨霑膏澤之調勻嘉種徧敷

披薰風之順適厥田上上兮芒既抽而散芳
實發芊芊兮花已飛而帶白奄觀南畝之収
何異西郊之積則見夫綿邈鋪川豐融亘田
層阜遙分似無心而出岫千畦遍滿若竒峰
之連天氣氤氳散潤兮既史書以占歲曼衍流
膏兮果戶慶於有年豈坻京之足喻恍蒼蔚
之愈綿於時序乃錢罇築我場圃以樂農夫
以御田祖豐滋漫若且聞束皙之詩悅茂油
然欣聽籥章之鼓方苞既實慶高廩於茨梁
堅好不杌喜盈疇之稷黍故曰穀為君寶惟
農是親遺秉盈場玉食亦登其芬潔餘糧棲
畝金枝轉掩其輪因豈非聖德之格天而多
稼乃得以如雲乎

聖德合天地賦

聖人膺寶籙握靈圖躋含生於富壽致萬類
之昭蘇澤允覃乎九有道克奉乎三無欽明
文思帝堯無以踰也温恭允塞虞舜曷以加
乎紀巍巍與蕩蕩信一揆而同符天無不覆

地無不載蒼蒼者昭丕冒之宏混混者順發
生之大窺博厚而難名測包容而無外是亘
古此天地也而誰與為對待哉王者中和位
育並立為三規模既同乎疇載對越尤致其
精嚴故升中於天而鬼神格告成於地而恩
澤覃茂以對時而行无妄卑以自牧而體福
謙於是歌一德之允若與二儀而昭合布政
則温如春融育物則量同海納明如日也麗
九華以昭宣散如風也紀八節於閭闔然而
高明既被朝夕彌虔昭事則幾康是節行德
則元會永綿小心翼翼是曰法天若夫廣大
咸亨品物必遂既柔順而利貞亦履仁而行
義安土能敦是曰則地於是乎乾坤合德君
師並修海宇仰崇高之象羣靈樂靜謐之休
徧尊親於血氣成參贊之謨謀豈非與清寧
而永奠合上下而同流者哉

鳥求友聲賦

暮春日永修禊風輕柳依依而始絃桃灼灼

而載榮山含翠而水秀雲觸石而氣清想羣
賢之盛蹟追永和之芳聲命我樽斝招我友
朋既窺花而拂竹足樂志而怡情乃有流鶯
傍乎高柳乘春載鳴知時不苟既擇木而遷
喬亦因心而求友翱翔寡侶兮爰懷切切之
思睨睨呼羣兮用發嚶嚶之口枝頭乍轉兮
念知我之猶希陌上頻啼兮恨相應之恐後
蜂蝶來往兮疑尚沮於羣猜鸞鳳遙遠兮冀
以引為吾耦歎離羣之已久謂知音其可
友既不我棄兮吾亦豈不爾思自秋徂冬業
過時而已矣穿堤泛柳盡今日以求之取則
寧遠流音在茲莫使鵬鳥兮得讒言之是肆
應同鳴鶴兮願好爵之與縻乃其谷裏春深
林間交訂始也以類而相求終焉同聲之是
應是謂其音既諧其志亦正爰符金蘭之契
雅今風人之詠彼夫烏衣國裏紅縷樓前叫
邊秋之孤鶯啼蜀月之杜鵑豈得義同金石
韻佩管絃也哉

麥秋賦

繫鶉火之司令疑商金之屆期影度朱明始
散芳於榴圃律侵白帝獨抽穗於麥畦愛芄
芄之連纈亦離離之下垂南畝正勤於此日
西成偏紀乎茲時披梅風而含穎潤穀雨而
雙岐是蓋四時之代序而萬物各遂其繁滋
者也乃其堤上鶯啼隴間雉雊芳草未歇而
猶霏綠樹成陰而始就何銍艾之奄觀兮當
隆曦之永晝觀黃雲之滿野兮驚白歲之應

候溽寒露而朝濡兮潛陰呂而夕秀雜收歛
於長養兮參結實於紛茂炎炎當令碩碩成
行紫莖兮韞爽青穗兮含涼大有占而豐登
肇象兮中和順而隴畝飛香對銀緇而偶穗
兮散珠顆而分芒豈非化工之獨運而為盛
世之嘉祥哉

夏雲賦

夕陽退暑晚籟吹涼蟬嘒嘒其曳響榴艷艷
其含芳揮羽扇兮納爽坐冰簟兮生光既澄

觀兮瀟灑爰延步兮徜徉策杖清流之畔響
屨踈林之旁見夫夏雲矗峰無心出岫峩峩
而其氣始升氤氳而其勢漸就掩靄岡巒之
崇蔽虧松杉之茂其方起也似迎日而流霞
其上騰也如凌風而散華其紛郁也狀綵纈
而錦疊其輪囷也類玉葉而金葩或現神女
之佩或駕王母之車依稀漢帝兮望祥而書
紀寶鼎彷彿安期兮成仙而棗大如瓜同崑
崙兮五色突嵩少兮三花驅不勞鞭兮乍峭

峰之萃律斷何須斧兮已空竅之谿訝爾其
炎蒸頽歇池臺清絕抱翠石兮影留俯清波
兮紋潔瞑烟杳靄兮隔柳岸以深沉餘景紛
綸兮鏤殘陽而明滅思添柴几之清病消文
園之渴豈非覩鬱興之勢而忽解心中之熱
哉

學問至芻蕘賦

原夫泰岱之高不讓土壤而尊五嶽河海之
廣不擇細流而納百川載萬物而不盈者曰

地覆羣有而不居者惟天是以有大而能謙
必豫見善而能遷始賢固至理之如此豈入
道而不然蓋自先民有言詢於芻蕘既下問
之不恥乃大德之孔昭野無遺才英俊彈冠
夫廊廟政皆不應庶人罷議於市朝固已五
風順十雨調集濟濟之多士覩師師於百僚
然而謙謙君子延訪不遺夫草莽穆穆元后
諏諮乃逮夫薪樵是以禹下昌言之拜湯勤
有莘之招高宗恭默而得左右於巖野周公
勤思而傳吐握於崇朝凡其守謙以受益用
是居上而不驕爾乃設鐸設鞀而蒿萊亦及
爰咨爰度而草澤無餘道至廣也豈必備乎
垂衣之主心之虛也乃旁求於戴笠之夫邇
言不棄良才必選大度於是乎彰隆業因此
而顯戒損用以持盈得師期乎主善此聖王
樂取之誠心而非徒規倣乎先民之舊典

有苗蠢弗率大禹爰徂征三旬猶逆命豈云
無甲兵伯益贊讜言感神由至誠惟昔號旻
日克諧致烝烝文德既誕敷遠人亦來庭動
物物不動今古無其情

高宗求良弼簡在通夢寐傳巖版築人一朝
履高位和羹作鹽梅朝夕資納誨阿衡豈專
美嘉靖殷邦治惟此恭默思尚賢天所賜
隆冬無溽暑盛夏無祁寒寒暑協太和往來
相推遷蚩蚩彼衆氓努力籌逢年我當惜寸

陰黽勉期前賢

泰山不讓土河海不擇流為學亦如此取益
在廣求見惡當自戒見善期自修三人有吾
師近取乃日休

孟山何咎堯有獸曰騶虞賦性本仁慈舉趾
惜靡蕪終為王者瑞見乃盛世符南山有猛
虎食肉如食芻饒嗜飽腹腸何論有無辜一
朝獵者至咄嗟喪其軀仁殘天道顯視此何
所殊

銅鑑正衣冠人鑑別善惡人苦不自知箴規
已病藥疑事莫著揅疑謀莫龜灼但聽善人
言萬事免乖錯

秋聲何瀟灑琴琴刁刁然吹萬忽奔騰千里
淡雲烟振羽階下蟲吟風樹上蟬物類本無
情苑枯感變遷謾說蓬瀛洲居住不老仙三
山阻且遙荒唐徒爾傳我有不老藥不用求
金丹清心與寡欲可以延長年嗟彼名利人
營營凋朱顏

郭公解布穀王孫能促織區區禽與蟲因時
亦有識人生性本靈充然備五德私利一薰
蒸靈臺因室塞譬彼瑤臺月忽被蟾蜍蝕克
已萬理明處事乃不惑

春風二三月花嶼爭芬芳出門踏青人車馬
沸如狂芳甸布綺席繡陌遺琳瑯幽蘭在空
谷詎肯生道旁地僻人莫賞誰識王者香我
來採盈把歸植讀書堂同遊不同趣對爾聊
徜徉

樂善堂全集卷之十四
卷十四
平原昔聚客毛遂乃下列備數入強楚碌碌
何分別一朝脫穎出歷階騁辨說手招十九
人從約自此決策士且垂名矧乃匡時傑
燕昭用樂毅連下七十城惠王信反間全功
一旦傾齊威察毀譽左右計不行烹阿封即
以為政者去讒心乃明

屈原沉汨羅孤忠光日表賈誼過長沙臨流
抒懷抱楚懷本庸昏漢文稱有道胡為志未
伸悲歌賦鵬鳥絳灌豈子蘭洛陽英銳早龍
門作合傳孰謂善品藻

鳳凰鳴崑邱惟食琳與琅九苞耀竒彩天宇
恣翱翔豈比藩籬雀卑栖飽稻梁達人豈自
枉鄙夫巧趨蹠尚父年八十猶自釣渭陽一
朝遇西伯殊績展鷹揚是知賢路闢斯為邦
家光

新竹

新笋已成竹檀藥影簾箔風翻翡翠林露灑

琅玕籜猶然婉孌姿已具堅貞格蕭疎憂寒
玉歷落吹竽籥長房漫騎龍公輸寧飛鵠撫
摩留仙人棲托遲鸞鶴梁園幾萬箇盛事今
寂寞森森階砌前添我興寥廓烟靄翠欲流
枝篠紛參錯莫謂無妍華歲寒猶可託

海子行圍同聞之蔡先生五弟讀杜子

美秋興詩分韻得肉字

秋曉獵平原露重林如沐歸來息離宮繞砌
開黃菊豈以漫遊荒往籍閒披讀維昔天寶

初楊李竊威福道旁有餓殍朱門饜梁肉漁
陽鼙鼓來驚破霓裳曲杜老時隨征殷憂積
誠篤傷心秋興詩令我勞往復硬語蟠虬松
蒼渾神味足錦江波浪愁巫山眉黛感何如
屈問天空同賈賦鵬遙遙千載心文囿仰芳
躅

關山月

玉門關外秋風清玉門關上秋月明戍兒歸
卜刀鐮鳴離家見月幾虧盈天河淨洗兵不

用早晚可得酒泉封燕領將軍飛食肉每同
甘苦均寒凍遙憶千家砧杵聲舊衣未解新
衣送舉頭皓魄又重圓邊笳四面方吹動

題李白太山觀日圖限韻

供奉沉香亭遣調若鐘銑意在諷色荒不獨
詞華擅五嶽峙胷中硯礪難消遣長嘯登太
山日觀峯當面東望滄溟洲泐堂杯水轉陽
烏浴未乾魚龍乘曼衍扶桑已三竿猶不閉
雞犬遐觀小宇宙形勢天下選咫尺大羅天

天帝端袞冕叩闕謁通明從容陪玉輦醉踏
青芙蓉豈以佯狂免騎龍恣天遊白雲共舒
展帝女賜錦裳聞說水蠶繭長鯨不復回奇
傳類詭辨何人寫丹青壁上裊香篆披時泰
嶽雄收處滄波卷即此當卧遊悠然興不淺
喜雨四言詩

明明

上天照臨有赫至誠克應無感弗格穆穆我
皇乾惕朝夕鑒在

帝心九有是宅

皇帝膺籙丕顯丕承洋溢暨訖被乎八紘民
安其居物樂其生爾畊爾桑以成以平

瞻仰

昊天昭回雲漢未曰如焚亦云微旱

帝心用憂徹懸減膳亦保亦臨曰明日旦
有頒其絲有降其綸訪自三公延及百臣式
陳爾言庶裨我身用沛恩施以答

蒼旻

有曠其陰有號其雷雲既油然雨亦沛哉曰

霑而濡曰滋而培自我京畿遍乎九垓

民鼓其腹穀潤於田溝澮潺潺沃壤涓涓匪
以灌而鮮匪以溉而妍

聖帝是虔致雨澤是宣

雨而暘矣澤則洋矣遍農桑矣碩且長矣萬
斯倉矣供明堂矣祝無疆矣

讀昌黎集

建安騁駢儷斯文體一變俳優務悅人靡軟

風相扇自此八代間羣言紛汗漫起衰昌黎
公銳然負謗訕刑偽還淳古籍湜愧流汗渤
海收衆瀾斗建失星爛尊聖衛藩籬幟樹先
登岸因文道以見一語千秋贊

銅鼓歌

雍正庚戌秋九月廣西撫臣金鉞進
銅鼓一云民間墾田所得名諸葛鼓
相傳諸葛亮以鼓鎮蠻云因歌以紀
之

赤帝失御火不燔冠以苴履翻坤乾靖王後
裔英且賢慨然奮義振中原南陽之藪卧龍
墻下車三顧意何虔龍飛雲路見在田君臣
相得魚水歡東使吳會騁辨言八十萬衆成
灰烟西入益州奠本根鼎足峙立固且完永
安宮裡龍驄攀調和官府整而閑命師南指
定獐頑七擒七縱服諸蠻鑄銅成鼓永鎮旃
風雨侵蝕年復年數易時代陵谷遷下巢蚯
蚓鄰黃泉照臨無復資魄淵濡潤還沾雨露

偏崇鼎貫鼎增爛斑獨於厚地全其天由來
奇物終播宣一朝光氣騰荒阡施厥畚鍤瓦
礫翻有聲鞞鞞非絲絃宛然銅鼓形不刊洗
剔苔蘚光澤鮮驚看老幼何喧闐大吏表進
九重前為陳檀案撒包瓊聚觀羣下充庭軒
試加擊伐聲啍啍大鵬搏風長鯨噴上有四
蛤爭猙蹲旁有雙耳綬色緼龜文虬篆隱隱
存覆之黃縑加束純方今

舜目闢四門兩間並獻貞符繁不誇寶鳥出

河汾詎數劍氣冲斗躔我聞置鼓名諫臣訪
察民隱牧元元此應其兆無乃然坐見謹議
日聯翩鏞鐘大叩張宮縣

讀貞觀政要

薰風何習習朱明屆長候北窓高卧起洛誦
勤時懋貞觀政要編覽罷再三復文皇治世
功在漢文景右斗米值三錢太倉粟腐臭闕
東豎頰南開門夜無寇論古緬遐思治功非
倖覲文貞立朝端彌縫而匡救九重亦虛已

勤政夜繼晷勵精圖至治俗用臻富厚二十
餘年間中外稱明后徵沒明鑑昏志滿漸差
謬東征無成功幸能自引咎復碑念前規厚
賜撫其後猶不負初心終身無罅漏信順立
丕基尚賢天所祐先哲留嘉謨後人當勉就

傅修期

昔有韜鈴士投筆願從戎終生羨少年請纓
志甚雄讀書貴有用躍馬馳邊烽所在戰必
克豈是虛譽崇偉哉傅修期卓然儒將宗擊
賊萬人前掃筆三軍中勇力駭豺狼流文貫
星虹非云尚血氣詎是工雕蟲小戎賦良人
溫然羨玉同讀史撫青編芳蹤千古隆

公莫舞歌

昔人有公莫舞歌道項伯翼蔽漢王
也然但言漢王有天命未及項王不
聽范增之言及增不知幾而事項故
歌以補之

剗牛割猩殪封豕羞劔實豆堆盈几錦繡筵

開藏壁壘裹甲宋盟無乃是亞父腰下玦三
視項莊劍氣寒如水公莫舞兮行且止以身
為衛拂衣起增卻顧兮良色喜隆準果是真
天子怒撞玉斗亦徒爾同雲集霰已如此

蠲租樂擬樂府

勾芒布令土脈濡荷犁早向東阡趨男耕婦
織閒時無料理粟帛供正需食毛敢辭王稅
乎春回部屋大澤敷小吏旁午捱門呼竊疑
督賦驚農夫却宣王命傳蠲租傳蠲租蠲租
樂新絲縑後新穀登換取金錢娛老弱

黃石授書

智勇非深沉難言天下事稍挫便拂顏斯為
杯缶器留侯不世才佐漢膺重寄當其圯上
遊與衆了不異何來一老翁粹然命納屣三
進不為羞深折少年氣所授是何書乃擅帷
幄議當時林隱人踪跡畧奇祕卻令穀城石
受祀永不替

讀司馬溫公諫院題名記

豐碑聳立高尋尺銀鈎鐵畫生光澤纍纍若
若同時榮莫混賢奸一片石天風凜烈護剛
堅表列平生勝竹帛他年元祐鈎黨臣義形
石工傳安民豈知後世翻寶愛幾與諫院題
名隣君不見山可礪兮河可帶桑田滄海還
相代此名一留不復敗

芝蘭曲

芝蘭者芝花如蘭非芝與蘭也見陸

象山集

碧空星耀明離離下映瓊圃三華芝玉英綽
約如蘭倚幽姿持藉五雲竒九光攢簇寶蓋
垂珊瑚玉樹紛葳蕤畝畹之間斂葱蒨國香
得並芝房薦瑤草琪葩種獨擅採上彤廷露
華泣

高其佩指頭畫廬山瀑布

廬山高高插天瀑布千尺飛其顛擘開玉峽
白龍走空濛萬古生雲烟七十老翁戲作此
不用霜豪用十指丈山尺樹都不論壁間彷彿

佛流寒水

觀穫

秋聲入園林涼風動高閣偶出步郊坰斜陽
照墟落眇彼隴畝間黃雲堆漠漠錢鏹已早
序銓艾聲參錯畦東與畦西是處竟秋穫手
刈賽疾遲背負爭強弱遺秉與滯穗寡婦亦
云樂吾聞四民中惟農苦莫若有年穀價低
歉年委溝壑即今豐稔收租重主人索益信
為政者仁民最先著

擁鑪讀書歌

首山之銅出天然何人鎔冶精雕鐫鏤錯刻
竒無斧鑿天吳紫鳳紛騰騫歸然不共桑海
變長弘血色生新鮮嗟予好古忽得此寶之
不啻珊瑚鞭豐隆布雲青女降凌空裁玉落
地繁飄風弗弗起天末千里萬里沉寒烟有
懷趙衰苦莫遇博山獨擁紅炭然温懷續續
吐暝氣性根理窟資探源我有會心非獨樂
常思衣被天下大小無號寒

煖研歌

陰凝北陸寒風多燕山雪片紛相摩山積皜
素池停波翔陽隱光倏忽過指頭冰凍真無
那我方臨窓事研究空齋賞玩煩磋磨縱有
翠濤端石可奈何呼童為添煖研火更濟之
水陰陽和寒熱均調融墨氣安置几上平不
頗浮光含潤露精彩佐我終日之吟哦抒長
句歌煖研君不見當時此法無人傳乃令嫺
妃呵筆於便殿

臘八日

索饗大蜡伊耆始夏曰嘉平殷清祀周家蜡
禮舉歲終文武之道均張弛秦復夏名緣祈
仙權輿定臘實劉氏蜡八相沿訛臘八八日
號臘何所指當年飲粥成風俗果糜雜和期
相侈或傳此日浴佛節阿誰能辨非與是歲
在庚戌月巳丑義娥丸轉窮次紀哉生明後
後五日作粥吾亦聊爾爾松榛棗栗杏胡桃
黍稷梁豆堆纍纍水火既濟入鼎烹聲瀉松

風萬壑起便啜數椀潤詩腸
侑以新句加綺靡明窓靜賞送流年
不隨獵騎平原裡

自鳴鐘

扶桑日出海門紅大秦西洋颺景風
懸撞度索底貢同於皇聲教敷天通
梯航山海來朝宗厥獻竒物自鳴鐘
銅輪鐵絃凡幾重機軸循環運其中
應時滴響聲春容挈壺無所施其功
精巧絕倫疑鬼工倭班流汗難追踪
異哉茲物無始終週歷晝夜春與冬
懸置几上勝金鏞晚報日昃曉岵東
我聞寶賢寶物雖不同咸賓亦足效
球共考時定律佐三農此鐘之利貽
無窮

題宋宣和清明上河圖用駱賓王帝京

篇韻

大禹敷水土導河過龍門
漉決萬里間卓為羣瀆尊
流經積石走函谷東過洛
汭繞甸服土中自古稱洛
都襟帶山河雄地軸維昔
宣和全盛時寒食初過一
百六淡烟輕雨清明

天踏青歲歲侈華屋華屋朱樓金闕限千門
萬戶天邊開飛花香滿宜春苑稱觴獻壽柏
梁臺珮響千官入山呼萬乘來簪裾艷文藻
雲漢儼昭回梯航萬里至輻輳日中市綺縠
揚袂袞連袂如雲起柳陰暗沙堤花光明御
水寶蓋蔡京車高牙童貫里中樞甲第起崇
墉相國高堂列鼓鐘道君禮樂三千盛孱國
山川百二重春入上林迎旭日雲開水殿躍
飛龍龍樓鳳閣相輝映山城鼓吹春遊盛春

遊處處多貴臣青驄駟車鄰鄰明月樓中
邀上客紫薇花下宴嘉賓滿堂珠履珍羞錯
從容欵曲金蘭親斜陽返照天欲暮汴水橋
邊車馬度橋邊街市何喧闐萬貨千商夾道
路路旁桃李紛芳菲遊人雜遝白馬肥朝催
玉勒花間去暮拂金鞭柳岸歸頗厭錦繡服
新裁白紵衣劇孟風未峻郭解力猶微五陵
擅游俠戚里相因依平生但言憑義氣捨身
許友未覺非郊畿靄靄帶晴雲稻田桑圃望

樂善堂全集卷之十四
中分村墟景象多幽趣點綴虫虫忘帝勲婦
子嬉無節長幼畧無文常樂昇平烽火息霸
陵閒却故將軍柳堤遊客艤船待一棹輕移
山勢改媽紅粉白夾岸嬌蘭繞畫舫中流在
中流競渡各紛馳渡口魚磯疊石為更有一
川風景別身在蓬萊自不知蓬萊宮殿何繁
華瑤島瓊臺入座賒仙人爐煉長生藥羽客
丹成九轉砂靈素作安期遺我棗如瓜驅山
走海丹青變筆底烟雲紙上見神思妙藝出
清新偶然展軸驚萬人巧贍奪天工結構含
精氣遠過顧虎頭不數陸仙尉仇子此卷何
為哉燕雀嬉嬉畫裏來驅鄰自召強鄰侮繁
華侈泰禍之媒牛車俛首受縛去冰天雪窖
嗟徘徊即今歌舞地花發為誰開空留遺跡
在憑弔費詩才

題戴天瑞指畫山水圖

玻璃貯碧無涯津田田荷葉出水新草堂坐
對清埃塵忘機養得鶴性馴瀟灑更有松與

筠遠峰掃黛青嶙峋有客有客來訪頻高山
流水無俗緣苔徑曲轉過柳樊主人不用迎
出門筆墨渲染古來聞指頭蘸墨見此人吁
嗟絕藝工且神一指乃能探其元無因得悟
天龍禪

新蟬

今年天氣炎五月新蟬噪初聽聲尚澁漸覺
羣喧鬧飲露抱高枝臨風曳長調傍晚響愈
繁先秋未免躁榆枋恣往還決起安所好未
能萬里遊且共鸞鳩笑

樂善堂全集定本卷之十五

古體詩

古硯

雀臺舊瓦埋烟草追琢為硯誠堅好端溪紫
 石石質良金文鸚眼成文章何如天然古硯
 省磨礮淋漓墨海變雲龍他山之石無所用
 隱相呵護煩神功翠濤剡剡露精彩恍疑寶
 氣浮晴虹藏之七十有二代以為金泥玉檢
 充東封

擬蘇子瞻遊赤壁詩

赤壁赤壁何崔巍清流盛浪如銀堆我來攜
客弄小艇一輪秋月光徘徊座中洞簫吹莫
哀酡顏恰有新秋醅眼前好景不易得何妨
磊落玉山頽君不見紅樓綺閣管絃高富豪
子弟爭遊遨又不見鼓鐘歌舞府中宴日食
萬錢殊未饜惟有清風明月不外求幾人江
上為勾留東方既白且歸去得閒還擬重來
遊

題王原祁秋山圖

屋壁淋漓懸尺素琅瑯妙筆寫烟樹草堂空
對夕陽閒伊人宛在知何處蒼蒼暮景遙空
白雲山滃翠迷咫尺簷前弗弗起飄風獨與
高秋留本色

郊園見西成有象即事志喜

去冬雪盈尺占之利東作今春雨如膏可卜
豐登樂一自入夏來雲漢光煜燦崇朝歇甘
霖祝融扇炎灼

聖皇念民艱憂勤倍諮度對越保無斁

昊天鑒誠恪未幾三日雨露濡徧村落庭除
景色佳苔痕茂參錯那知郭外田良苗助長
若承

恩獵南苑平野秋風掠氣爽馬蹄輕天高鷹
眼矍合圍出紅門更覺郊原廓行行歷野店
去去穿林薄中林施兔罝歌驕奮噬搏田事
亦云畢農夫罷秋穫眇彼場圃間黃雲堆漠
漠歸子利秉穗老幼飽藜藿從識天人理應

響如鳴鶴宵旰

聖人心頓起下民瘼太平徵有象永言誌其
畧

南苑觀魚

霜寒秋水澄鏡光天一色潏潏臣壑魚潛躍
咸自得獵罷解征鞍網罟頗諳識觀魚寄我
情豈為貪口食鯤鮪夙有禁留以繁生息為
語捕魚兒取之不可極

馴象歌

皇靈赫濯昭八荒西極咸池東扶桑于闐盤
况求王章歲歲奉貢來九閭厥貢維象象云
馴龐然巨體性孔良金羈錦褱飾身者正朝
分立金門旁玉輅金輅高數丈駕縛安穩行
堂堂昇平儀衛匪異物屹然排仗威遐方我
聞象形如珂雪又聞象力絕羈縻生花拄地
曾耳聽究竟未見嗟荒唐辛亥九秋獵海子
路西却過馴象房因緣一覽愜宿願長準大
武誠昂藏蠻奴五六踡其背隨所使令如驅

羊或俯厥鼻一叩地特作鼓聲鳴鏗鏗仰天
時亦憂長韻鼻孔嘔啞吹笙簧渴來吸水盡
巨甕俄然噴出如西江作樂昔曾效率舞占
星聞說散瑶光狡祝獅子稱善吼山林詎足
供廟廊

白馬行

秋陽皎皎秋風起千山萬山收紅紫南苑平
蕪曉色寒遊絲白日長空裏我從前歲罷秋
圍經年未到南海子重來歷歷憶舊遊真教

見獵心猶喜黃羊麋鹿滿平郊捷射爭誇馳
駉駉就中白馬夙我隨德力相諧已久矣神
姿峭峯隅目熒峻骨昂藏駿上指鬣織鞍穩
單鞵牢牽來不騎且熟視翹然長鳴向我前
意氣稜稜蹄股峙舊聞天馬老能行雄逸何
用加鞭箠合圍少試秋草原驍騰未改舊時
美一馳射中雙兔兒再馳殪彼一封豕亟命
解鞍休息之秣以甘芻飲以水勞爾汗血歷
有年愛護馴良宜若此豈令老却青絲絡鹽
車伏櫪終厭齒但使長遊垆牧間一年一度
一騎爾

德壽寺古鼎歌

龍宮巍巍紫氣軒輝耀棖堯煥崇垣寺名德
壽菴羅圍刹竿高挂珊瑚播停鞭卸轡山門
前一滴欲尋曹溪源東瞻紫霧明朝曦清涼
頓覺隔塵喧香浮寶殿謁世尊兀然古鼎吐
雲烟何人鎔冶工雕鐫金翠斑爛歷歲年上
文雷回下雲紘猗猗狀類獅子蹲籀書斯篆

跡難分世次那辨笑與辜蚪蚪盤屈蛟龍奔
周彞虞敦恍猶存葆精凝潤疑瓊璫寒光欲
流不可捫日月照射輪朝昏濯洗全資雨露
思在昔盛事傳橫汾此鼎神異邁等倫我欲
負之千蹄捷移向帝關鎮厚坤充以大武佐
魚豚萬斤木火為之燔有實大亨養聖賢

涇寒行

陰凝北陸元冥朝皚皚天表飛瓊瑤小池凍
疊層冰裂博山獨擁獸炭燒重簾暖閣有如
此愛日負喧聊徙倚沙漠龍堆雪蔽脛念彼
萬里從征士

高其佩指頭畫馬

平川首蓓烟濛濛一株老柳秋陽中二馬昂
藏趁西風連錢蹀躞傑且雄一匹摩癢一匹
卧驚鴻脫兔凡馬室當年畫馬稱韓幹安排
筆墨成款段何如一指運千鈞墨汁淋漓法
不亂自今繪苑傳奇觀不在毫端在指端

冬夜煎茶

清夜迢迢星耿耿銀燭明滅蘭膏冷更深何
物可澆書不用香醅用苦茗建城雜進土貢
茶一一有味須自領就中武夷品最佳氣味
清和蕪骨鯁葵花玉斝舊標名接笋峰頭發
新穎燈前手擘小龍團磊落更覺光炯炯水
邊無勞待六一汲取階前清泚井阿僮火候
不深諳自焚竹枝烹石鼎蟹眼魚眼次第過
松風欲作還有頃定州花瓷浸芳綠細啜湯
飲心自省清香至味本天然咀嚼回甘趣逾

永坡翁品題七字工汲黯少慧寬饒狂飲罷
長歌遠興豪舉首窓前月移影

讀西山先生大學衍義

晴窓披典墳望古興遐想春惟希元翁體道
粹涵養著有衍義書妙蘊資尋做大舍亦細
入渟泓包萬象孔曾緒不墜千載揭昭朗讀
書思其人高山欣景仰

飼金魚

鸞環碧水滿方塘文魚翕忽朱鬣張閒坐石

磯拋飯鐵百千爭
唼樂徜徉維河有鯉潛淵
藏見人輒避奔如狂
暫自為計雖云良終入
鼎烹供客嘗金魚何幸
鯉何辜試言其故客
聽諸金魚有智鯉不
如不知以近為遠考以
實為虛君不見呢呢喃
喃梁上燕絕塞秋鴻
遭羽箭

開圃

開圃種新蔬墾闢堂隙地
墉畦繡錯分種植
從其類寧同抱甕勤未使
桔槔智灌溉苟及時
烟甲抽次第蘿蔔白玉
花蕨芽青銀蔬
露帶如珠朝餐足佳味
豈云佐盤殮聊以觀
生意

王瓜

瓜也

嘉祐本草作胡瓜拾遺錄作黃瓜
今以其最先出名王瓜非月令王

老圃種王瓜鬻市爭及先長無二寸
蘆管圓
高價直欲索千錢
豪家富室張錦筵
相誇早
啖王瓜鮮曾無幾日
王瓜老味全色足
方美好
豪家富室偏不買
貧人每食王瓜飽
天非

愚富却智貧都由人眼尚鮮新

新荷

晴暎照蘭沼蕩漾波光淺貼貼小綠錢水面
八九點已足泛盃盤尚未擎青繖芳心不肯
舒半為蘋蒲掩

題靜憇軒

非靜不能憇非憇何由靜心與境相忘一泓
止水定小軒僅容膝頗足適幽興臨窓俯碧
池波光入眼淨爐有香可焚牀有几可凭即

景裁短句豈復論聲病喜得大自在而無俗
慮競安佚非素懷聊以適吾性

鵲營巢

亭柳青青綠陰鎖柳下乘涼亭上坐飛來雙
鵲構巢居上下枝頭不避我一日復一日營
巢亦將成傳說巢成始上梁上梁開戶卜陰
晴卜陰晴如其語舊年上梁南其戶由來多
是北風雨今年上梁戶向東定知西雨兼西
風嗟爾鵲兮識天工胡為世人昧所從不解

趨避吉與凶

讀杜詩

大雅止姬周何人繼三百卓哉杜陵翁允擅
詞場伯歌謠寫忠懇灑氣渾鬱積李韓望後
塵鮑謝讓前席緬想浣花溪披讀仰高格詩
史非妄評良足娛朝夕

翠雲硯歌

松花江之涯有石質堅色綠磨而為
硯不減端溪爰以翠雲名之而歌以

詩

松花江水西北來搖波鼓浪殷其雷波收浪
捲灘石出高低列翠如雲堆蜀相八陣此其
種江間水流石不動日月臨照晶光華波濤
濯洗如璧珙長刀槎枒繩修蛇刀割繩縛出
灘沙他山之石為之礮礮包車載數千里遠
自關東來至此橫理庚庚綠玉筭長方片片
清秋水爰命玉人施好手質堅不受相攻割
磨礮幾許研乃成貯以檀匣陳左右龍尾鳳

樂善堂全集定本 卷十五
味且姑置銅雀舊瓦今何有自意得此迫出
羣錫以嘉名傳不朽

冬夜偶作

天寒鴉歸早月上人語靜融融地爐煖紙牕
散清影白日雖苦短迢迢愛夜永敲句和殘
更惕然發深省

簾幙重重下獸炭旋旋然猶恐寒侵肌向火
爭趨前懸知玉闕外雪積層冰堅出征衆軍
士戰瘁實可憐况當歲云暮家室情更牽所
恃雨露厚魚賴主帥賢凱旋應指日永不成
窮邊

梅月窓外橫漏滴響未了心閒吟思生境靜
俗情掃每從物理中略識清心道撥火且烹
茶一杯供軟飽

昔者諸葛公南陽一隱士攘魏兼和吳早定
方寸裏一朝遇主知終身不易此鞠躬更盡
瘁總為酬魚水設非劉王孫疇展經綸美

沈石田秋林獨步圖

鐔上高掛七尺練沈子石田之所作安排妙
意神淋漓摸寫秋容氣蕭索梳空白雲起峯
頭弗弗金風蕩日脚長林深樾何畏住一氣
怒號萬葉落何來瀟灑杖策翁獨步有似雲
中鶴板橋石磴一徑通山胥茅屋看束縛遠
山無皴樹無枝非復尋常具邱壑滿空煙霧
如欲滴日極天邊更寥廓

五弟有葫蘆筆筒用十年矣屬予題句
物貴朴質不貴竒用貴長久不貴暫譬如君

子小人交或如醴甘或水淡何處西風蒲柳
姿忽成雅製佐鉛槧日與湘東三品俱位置
安排毋乃僭吾弟用之已十年資益吟哦恒
不厭磨礪本自無圭角日事摩挲光泛漱腰
胸肩頂相稱停映射溪藤雲蔭挾架筆何須
紅珊瑚只此天成質無欠伊予鴈序愧先行
十有四年共筆研枯韻同拈工拙殊心中歡
喜兼艷羨不辭復作筆筒詩已費苦吟一日
半

題白居易養竹記

瀟灑白少傅妙理寄清談自為養竹記竹性
頗能諳森森抽枝篠千頭綠玉筍欲踈不欲
密三昧還須探亦思覓幾個琅玕栽宅南

望雪行

今年三冬未見雪同雲苦被風吹撤夜觀望
舒如鏡明曉看翔陽似冰潔秋麥全資冬雪
培遙識農家望歲切我聞三白兆豐年望霰
先集心如結上帝穹窿坐玉京青女滕六分

行列如何不一駕雲車試剪飛瓊噴玉屑飄
飄灑灑頃刻間利我三農都喜悅

丈室

丁東漏聲寒更長甲乙夜萬籟俱闕寐宵鍾
響亦罷聊撥爐中灰向火消閒暇鼻觀趣自
永旋旋添蘭麝香炷不能眠靜中觀造化
丈室有餘清寒宵正三五紙窓近檐階月色
差可覩地爐獸炭暖夜永灰更聚手擘小龍
團閒向松菴煮讀詩品古人心許杜工部篝

燈一再披恍似促膝語

燒香曲

鏤銀匙子紅芙蓉雙金細筋頭珊瑚宣銅流
金乳耳爐活灰冉冉雲翠鋪獸焰光騰紅映
座分來細壅安隔火霜天如水月華寒玉藥
三兩明珠墮小炷沉香灰半殘黃雲一穗裊
帷幪靜叅得意六根遣呼童且莫捲重簾

剪燭詞

漏聲丁丁催落日鼓聲鼕鼕喚月出朱扉半

扁金屈戌蘭缸獨朗窈窕室雕欄匝匝護丹
葩燼長光暗雲漿密并州霜鋒黑燕尾雙飛
拈得金英起落花貼貼流水寒瓊枝却在紅
紗裏

祀竈畢啖糖餕

糯花浮光細如絲菜豆磨末白如粉肅具盥
盂為供養瓣香束楮申謝悃家家此日祭竈
君得食祭餘身安穩燭光照盤堆錯雜甘如
崖蜜供口吻破臘今知歲序周交年漸覺春

光近挑燈且復坐匡牀清茗一杯潤舌本

屏風謠

錦純方寸虬螭拏岌岌兩扇端不斜紙面木
骨非炫華軒窓間敞為周遮朔風度雪松翻
影當門瑟瑟蝦簾冷霜刀落燼銀蘭明一縷
香雲坐夜永

水仙

女夷裁冰作仙骨色香淨洗水雲窟天風吹
送洛浦春處妃小步瑤臺月金鈿掠鬢玉簪

橫向人不語如有情採芝皓腕渾不見倚屏
却坐羞銀檠

玻璃鏡

斲檀紫翠蟠龍蛇錦簾半揭紋繡斜中含冰
月無點瑕水精雲母蓋精華西洋景風吹海
舶海門曉日搖波赤梯陵度索萬里遙價重
京華等球璧虛明應物中何有妍者自妍醜
自醜匡牀坐對窳萬緣我方與我周旋久

春夜偶成

樂善堂文集卷之五
開年喜陽和月明三五後挑燈裁短句閒消
清夜久敦敦書案前積冊紛左右緬懷古作
者杜韓期尚友汲深苦綆短奧衍終莫剖譬
之水在器量物隨所受惟在適我心豈計悅
人口

我思天地間孰非造化功冬春相代謝循環
嬗無窮一氣鼓大冶萬彙形色同如皇建厥
極頒令自法宮垂衣端拱理四海聲教通陰
陽無愆期百昌乃告豐象魏布始和八表扇

仁風此理非臆談權輿自鴻濛
側聞斗有柄四時異所指仰首望斗垣又見
向東徙乃知陽德普萬物資於此大哉行健
心妙矣於穆理

相風

長竿三丈繩絲直上揭飛輪如鳥翼雨淋日
炙更陰晴風飄籟靜隨興息二十四番曾慣
經三百六旬立亭亭朝看披拂送落月暮看
颯沓呼羣星等閒塵市罕得見未央宮裏明

光殿御鑪香霽午晝長飄揚每被陽和扇即
今五兩春氣融豈是尋常雌與雄但使巽二
欲吹萬那管東西南北風

填倉日

月正已過二十五陽和布作新春景東風次
第催物華隔窓晴度遲遲影共傳此日填倉
節不喫糜飯惟嚼餅青青早韭列盤香細細
茆芹入齒冷食罷高齋步幾回簾櫳深鎖爐
煙靜更喜今朝風日佳豫卜黃雲堆萬頃

催耕鳥

條風天宇布百昌欣韶熙村原趣已佳綠水
明千畦秉耒耕南畝提壺餉東菑郭公何丁
寧催耕田畔啼高棲嫩柳梢低喚柔桑枝分
明為一言東作當及時田老聞之喜胼胝非
所辭田婦聞之喜饋饁職所司但願歲豐穰
辛苦甘共之幾度聞此聲蚤起竭力為那似
香閨中驚眠翻怪伊

素几謠

素几素几胡為乎不雕不斷不丹漆直方之
中存本質深山大壑儲良材工倂裁製陳書
室使我凭之不肯以汝佐尊學不肯以汝供
梳櫛惟有乘興賦詩時蠻牋藉爾快吟筆

玻璃窓

西洋竒貨無不有玻璃皎潔修且厚小院軒
窓面面開細細風櫺突紗牖內外洞達稱我
心虛明映物隨所受風霾日射渾不覺几筵
朗徹無塵垢溪畔高枝宿鳥飛門前小徑行
人走秋添瀟灑看階菊春迴消息憑庭柳一
徑入望盡分明萬象為呈妍與醜依稀對鏡
迎清賞裁詩可似銘座右

